

四庫全書

史部

欽定四庫全書

欽定宗室王公功績表傳卷六

傳四親王

和碩鄭親王濟爾哈朗傳

濟爾哈朗追封和碩莊親王舒爾哈齊第六子舒

爾哈齊

顯祖宣皇帝第三子

太祖高皇帝母弟初封貝勒歲丁未東海瓦爾喀部斐悠

城長策穆特赫苦烏拉部長之虐乞歸附

太祖命舒爾哈齊同貝勒褚英代善往收其環城屯寨五百戶以還

賜號達爾漢巴圖魯事詳廣略貝勒褚英傳辛亥年八月  
薨順治十年五月追封和碩親王諡曰莊濟爾哈  
朗幼育於

太祖宮中封和碩貝勒天命十年十一月同台吉阿巴泰  
等援科爾沁有功事詳饒餘敏郡王傳十一年四

月征喀爾喀巴林部十月征扎魯特部並有功天  
聰元年正月同貝勒阿敏岳託阿濟格等征朝鮮  
師屢勝次平壤城朝鮮王李倬使請和阿敏仍欲  
進攻岳託不可濟爾哈朗以不宜深入可駐平山  
城以待和議之成遂引軍往與李倬議歲貢定盟  
而還事詳克勤郡王傳五月從

上征明出廣寧舊邊進圍錦州同貝勒莽古爾泰等率偏  
師衛塔山糧運遇明兵敗之尋移師寧遠與明總

兵滿桂兵遇裏創力戰大敗其衆二年五月以蒙  
古固特塔布囊自察哈爾移據阿拉克綽特部舊  
地遇來歸我者輒行阻殺

命同貝勒豪格往討誅之收其衆三年八月同貝勒德格類  
岳託阿濟格等征明錦州寧遠焚其積聚多俘獲  
十月

上親統大軍由洪山口征明

命同岳託攻大安口毀其水門乘夜進擊走明馬蘭營援

兵旦見明兵立二營於山上濟爾哈朗先擊敗其衆追至馬蘭營殲之是日自辰迄巳五戰皆捷降馬蘭營馬蘭口大安口三營兵趨石門寨明援兵至者悉斬之寨中官民出降遂會大軍於遵化進薄北京十二月同貝勒阿巴泰等徇通州焚其船克張家灣四年正月從

上圍永平先是劉興祚叛歸明與明巡撫袁崇煥同赴永平聞我軍將至遂趨太平寨道殺喀喇沁蒙古之

以俘來獻者

上命濟爾哈朗與阿巴泰往捕追及於山海關斬興祚擒其弟興賢以獻大軍既克永平

命與貝勒薩哈璘統兵萬人鎮守察倉庫閱士卒置官吏降明道貢白養粹廢貢孟喬芳楊文魁等以書招永平屬州縣於是灤州州同知張文秀遷安縣知縣朱雲台副將王維城叅將馬光遠守備李繼全千戶錢奇志相繼降三月

上旋蹕令阿敏碩託更守永平因趨迤西路招降榛子鎮  
乃還五年三月

命諸貝勒直言時政濟爾哈朗奏曰比者讞獄滋怨皆由  
諸臣自今當選賢良慎司刑憲七月初設六部

命掌刑部事八月從

上圍明大淩河城鑲藍旗兵圍西南濟爾哈朗軍為策應  
旋同大貝勒代善等克近城臺保十一月明總兵  
祖大壽以城降將旋師同貝勒多鐸往塔山東沿



海截隘俘百餘人六年五月從

上征察哈爾林丹汗遁大軍次穆魯哈喇克沁濟爾哈朗  
與岳託等率右翼兵趨歸化城收察哈爾部衆千  
餘七年三月奉

命築岫巖城五月明將孔有德耿仲明自登州航海來降  
濟爾哈朗等迎護其衆事具英親王傳六月

詔問征明及朝鮮察哈爾三者何先奏言朝鮮不遵約當  
返其貢物姑與互市不必往征明乃吾敵國宜取

其近京數城久駐伺隙別屯兵山海以東錦州  
以西擾其耕獲使不得休息復分兵半於山海關  
前立營半繞入關後內外夾攻敵必絀八年五月  
上復親征察哈爾濟爾哈朗留守

盛京崇德元年四月晉封和碩鄭親王十二月

上征朝鮮復留守三年十月率兵征明寧遠薄中後所城  
明兵懼不敢出乃移師克模龍關及五里保屯臺  
四年五月征明錦州及松山與敵遇九戰九敗之

俘二千有奇五年三月葺義州城

上親臨閱視有舊附明之蒙古多羅特部蘇班岱阿巴爾岱  
居杏山西五里臺遣託克託內籲請率三十戶來  
歸

上命王與多鐸郡王阿達禮率師千五百往迎瀕行  
諭曰敵見我兵寡必來拒戰可分兵為前後中三隊前隊  
拒戰後隊應援遂奉

命行夜過錦州城南至杏山令來使潛告蘇班岱等攜戶

口輜重行旦明杏山總兵劉周智沿城結營與錦  
州松山守將分翼列陣逼我軍王令駐軍待敵呼  
噪而來王督戰衝入敵陣與諸王貝勒並進大敗  
之追奔至城下斬其副將楊倫周叅將李得位復  
遣兵破敵兩營於城南獻所獲馬械於

御營分賚有差加

賜御廐良馬一九月同武英郡王阿濟格等圍錦州城中  
兵屢出犯王設伏城南俟敵敵知有伏即遁追斬

六十餘人又遣輔國將軍務達海俘明運糧兵於杏山塔山間六年三月復圍錦州繞城立營八掘壕築塹為久困計時大壽在城中以蒙古兵守外郭蒙古台吉諾木齊吳巴什等欲降縋二人齎書下約獻東關至期為大壽覺而鬪聲聞郭外大軍薄城蒙古兵縋以上我師與蒙古合擊明兵明兵敗入內城遂據其郭遷郭內蒙古六千餘口於義州並收降明都司守備以下八十六員使馳奏

上命八門擊鼓集衆官宣捷於

篤恭殿四月明援兵自杏山移松山王令右翼兵伏  
錦州南山西岡左翼兵伏松山北嶺遣前鋒軍挑  
戰敵至伏起夾擊大敗之五月明援兵六萬屯松  
山北岡擊斬二千人六月睿郡王多爾袞等至錦州  
更代兩軍合營聞明兵自松山趨海口我左翼兵  
由東右翼兵由西擊卻敵衆追至松山城獲馬五  
十餘振旅還八月明總督洪承疇率兵十三萬至

松山

上親統大軍臨之

命留守九月

上將旋蹕仍赴錦州更代圍城十二月敗承疇夜犯正紅

正黃兩旗營兵敵從杏山宵遁者復為我伏兵所

殲七年二月肅郡王豪格等克松山城擒承疇王

仍圍錦州三月大壽遣人乞降請盟誓王留其使

二人遣一傳諭曰我圍困此城旦夕可取何與爾

盟誓欲降則降非相強也大壽乃率衆啟營降四月移師塔山克之進圍杏山以礮毀城城中懼開門降乃籍俘數以奏奉

命毀松山塔山杏山三城而還七月叙功

賜鞍馬一蟒緞百八年八月

世祖章皇帝嗣位王與睿親王多爾袞同輔政九月征明

寧遠拔中後所城斬遊擊吳良弼都司王國安等

進攻前屯衛斬總兵李輔明袁尚仁中前所總兵



黃色棄城遁取之遂班師順治元年正月王集內  
三院六部諸大臣諭以政事先白睿親王書銜名  
亦先之五月睿親王入山海關擊走流賊李自成  
九月王扈

駕至京師十月

上御皇極門封信義輔政叔王

賜金千兩銀萬兩緞千疋四年二月以造第踰制擅用銅

獅銅龜銅鶴罰鍰罷輔政五年三月貝子屯齊等

許王在

盛京時不舉發兩黃旗大臣謀立肅親王私議及扈駕入關檀令兩藍旗越次立營前行等事降多羅郡王閏

四月復爵和碩鄭親王九月

命為定遠大將軍征湖廣十月道出山東勦曹縣土賊擒獲賊首李化鯨李名讓張學允等得降鎮劉澤清逆書煽亂狀以

聞叛黨並伏誅六年正月由安陸府渡江抵長沙時明桂

王朱由榔之總督何騰蛟及附由榔之總兵馬進忠王進才杜允熙陶養用胡一青糾流賊餘黨一隻虎等據湖南府縣王令順承郡王勒克德渾都統阿濟格尼堪為前哨大軍繼進抵湘潭生擒騰蛟拔其城四月分兵趨永興擊走允熙遂至辰州一隻虎聞風遁令尚書阿哈尼堪等擊進才於寶慶克其城又連破南山坡大水紅江諸路兵凡二十八營寶慶平七月分兵定靖州進衡州斬養用

破一青七營於城南山追勦至廣西全州分兵定  
道州黎平府及烏撒土司先後收六十餘城七年  
正月凱旋叙功

賜金二百兩銀二萬兩八年二月同巽親王滿達海端重  
親王博洛敬謹親王尼堪奏削故睿親王封爵事  
詳睿忠親王傳三月

上以王年老一切朝賀謝恩悉免行禮九年二月晉封叔  
和碩鄭親王十二年二月疏言

太祖高皇帝開創初日與四大貝勒五大臣及衆台吉等  
討論政務得失咨訪兵民疾苦使上下交孚鮮壅  
蔽故能上合

天心下洽民志掃靖羣雄聲興大業

太宗文皇帝續成大統紹述前猷亦時與諸王貝勒大臣  
講論不輟且崇獎忠直鼓勵英傑錄微功棄小過  
凡下詔令必先講求可以順民心垂久遠者然後  
施行又慮武備廢弛不忘騎射時

駕出射獵諸王貝勒置酒讌會以優為樂

太宗皇帝還自獵所克勤郡王岳託以聞

太宗皇帝勃然怒曰我國肇興治弓矢繕甲兵視將士若  
赤子故人爭効死每戰必克以成大業朕嘗恐後世子  
孫棄我國淳厚之風沿習漢俗即于臨淫今汝等為此  
荒樂欲國家興隆其可得乎遣大臣索尼再三宣

諭今

皇上詔大小臣工盡言無隱誠欲立綱陳紀綿國祚於無

疆也臣以為平治天下莫要於信詔令順民心前

降

諭軫恤滿洲官兵疾苦聞者無不歡忭嗣又令修

乾清宮詔令不信何以使軍民服從伏祈效法

太祖

太宗不時與內外大臣詳究政務得失凡事必預商榷然後頒之

詔令見諸施行庶幾法行令信可以紹

二聖之休烈矣抑臣更有請者垂休典謨廣昭令德莫要於立史官古聖帝明王進君子遠小人順天心合民志措天下於太平垂鴻名於萬世良於史臣有賴今宜倣古制特設

起居注官置之左右凡

聖主嘉言懿行一一記載於以垂萬世傳無窮亦治道之一助

上嘉納之三月同貝勒尚善等議吏科副理事官彭長庚



正白旗一等子許爾安請復睿親王舊封妄頌功  
勳結黨煽亂應立斬

上命從寬流徙又議廣東布政使胡章誣奏平南王尚可  
喜靖南王耿繼茂縱兵占官廨等事與誣告凡人  
不同應立絞

上命褫職免罪五月王疾劇

駕臨問王奏臣受

三朝厚恩未能仰荅不勝感痛惟願以取雲貴滅桂王為

念且滿洲甚少而能破流賊取京都應加撫恤

上垂涕曰天何不令朕叔長年耶言已大慟

駕旋

命工圖其像翌日薨年五十有七

詔輟朝七日

賜祭葬銀萬兩置守園十戶立碑紀功康熙十年六月追

諡曰獻乾隆十九年九月入祀

盛京賢王祠四十三年正月

上追念鄭親王忠勳

命配享

太廟其現襲之簡親王復始封號曰鄭

初次襲濟度鄭獻親王濟爾哈朗第二子順治八年閏二月封其兄富爾敦為鄭親王世子濟度為多羅簡郡王四月富爾敦卒九月濟度封世子九年十月

命議政十一年十二月以海賊鄭成功擾福建授定遠大

將軍同貝子務達海都統噶達渾勦之十二年九月師入閩境聞泉州賊遁駐福州久之乃進駐泉州十三年六月投誠偽總兵黃梧副將蘇明鄭純等自海澄縣遣迎大兵偽官八十餘人兵一千七百有奇俱降王自泉州移駐漳州俄聞成功犯福州遣副都統覺羅阿克善叅領巴圖魯褚庫護軍叅領伊巴格圖赴援遇賊高齊陸路敗之斬二百餘級將抵福州賊船二百餘泊烏龍江阿克善等水陸

並進卻賊衆追至大漳河口陣斬偽總兵林祖蘭  
等獲船十有四時惠安閩安漳浦頻告警分遣護  
軍統領覺羅雅布蘭副都統阿玉錫等往勦斬賊  
二千餘獲船數百先後降偽總兵一副將五叅將  
遊擊以下五十人兵三千有奇十四年三月還京  
上遣議政大臣哈什屯等迎之盧溝橋令先赴鄭親王喪  
所

上親臨其第慰之五月襲封和碩親王仍其郡王之號曰

簡十七年七月薨年二十有八康熙十年六月追諡曰純

二次襲德塞簡純親王濟度第三子順治十八年二月襲封和碩簡親王康熙九年三月薨年十有九諡曰惠

三次襲喇布簡純親王濟度第二子康熙七年正月封三等輔國將軍九年九月襲封和碩簡親王十三年九月以逆藩吳三桂耿精忠黨分擾江西

命為揚威大將軍鎮江寧十四年九月

詔移江西十二月遣兵斬賊朱三於東鄉縣十五年二月

遣兵敗賊王用等於鄱陽縣之沙蘭栗嶺五月奏

招撫南康吉安饒州偽官四百五十餘兵萬五千

有奇七月奏偽都督楊益茂據金谿縣破其木寨斬

三千餘級復金谿十月遣兵赴萬年縣勦賊楊彪

萬勝破賊於五都馮家山十二月奏故平南王尚

可喜子之信在廣州乞降以所齎密疏上陳先是

三桂賊將高大傑韓大任等陷吉安王奏調綠旗  
兵會剿又請

敕總督運紅衣礮十具攻吉安並從之

諭戒以勿坐守觀望因奏省會繁要不可輕離至是將軍  
額楚等擊賊螺子山失利

上命侍郎班迪等赴吉安察狀還奏

諭令戴罪圖功王乃親圍吉安十六年三月賊夜出南門  
逸王入城駐六月奏招撫江西各屬偽官千九百



餘兵三萬七千四百有奇又疏言韓大任等屯寧都樂安諸處調兵三路進勦韓大任願降請為入告

詔報可既而大任自寧都出擾萬安泰和等縣王請調兵禦勦

上曰簡親王喇布自到江西並未建尺寸之功宴坐會城虛糜糧餉迨赴吉安以重兵圍城逆賊韓大任奔逸不能擊滅致竊據寧都雖遣副都統布舒庫等率兵前往

究未大創賊衆今韓大任自寧都竄突延及萬安泰和  
諸處不能撲勦又以兵少具奏計喇布所轄滿漢官兵  
為數不少一韓大任未能翦除任其出入宜即嚴加處  
分念現在與賊相持姑俟事平日議罪十七年正月護  
軍統領哈克三等敗大任於老虎洞燬其營斬六  
千餘級大任奔福建赴康親王傑書軍前降二月  
詔移師湖南駐茶陵八月奏三桂死於衡州

詔進師十八年正月抵衡州賊帥吳國貴夏國相等宵遁

復其城二月分兵復祁陽來陽等縣及寶慶府降  
偽總兵卓英董世興偽副總兵周嘉貞等又偽將軍  
全鉞偽總兵馬隆興熊天章曾大捷姜繼尚偽侍  
郎范思徵等相繼降六月疏言隨征之烏拉寧古  
塔兵千二百餘人應遵

旨撤還但新寧諸處賊未平請暫留勦從之八月疏言將  
軍穆占復新寧安親王岳樂克武岡賊竄遁臣駐  
東安遣烏拉寧古塔兵還京令穆占駐新寧

上嚴責其不追勦賊於沅州靖州九月奏僞副將張朝貴

以下七十餘人降

詔進定廣西駐桂林十九年正月奏昭義將軍馬承廕標  
下糧匱兵譟撥餉給乃定又言馬承廕奉

旨設五營會勦雲貴今請自募兵足七千數增立援勦二  
營

上以將軍標無七營例不允三月疏言臣遵

旨率兵往柳州至永福縣聞馬承廕叛即欲進勦因兵單

暫還桂林五月疏言大兵分路進剿總督金光祖  
破賊武宣復縣城將軍莽依圖破賊陶登定象州  
臣由維容進柳州馬承蔭率衆降八月

詔移駐南寧十月奏偽將軍饒一龍以慶遠府城降是月  
詔選所部兵付大將軍賴塔進定雲南二十年八月奉  
詔攜柳州南寧間駐兵還京十月薨年二十有八二十一  
年追論吉安諸處失機罪削爵

四次襲雅布簡純親王濟度第五子初封三等輔

國將軍康熙二十二年三月襲封和碩簡親王二  
十七年七月以噶爾丹擾喀爾喀

命同安親王岳樂各率兵五百赴蘇尼特汎界駐防十月  
撤還二十九年七月噶爾丹深入烏珠穆沁地

命裕親王福全為撫遠大將軍出古北口恭親王常寧為  
安北大將軍王與信郡王鄂扎副之出喜峯口既  
而停喜峯口出師

命赴裕親王軍叅贊軍務八月敗噶爾丹於烏蘭布通噶

爾丹乞宥罪旋由大磧山遁師旋議不追勦罪削爵得

旨從寬罰俸三年三十五年二月從

上親征由中路抵克魯倫河聞噶爾丹敗竄乃還三十八年十二月掌宗人府事四十年九月薨年四十有四諡曰修

五次襲雅爾江阿簡修親王雅布第一子康熙三十六年十二月封世子三十九年四月

命直郡王允禔濬永定河雅爾江阿與僖郡王岳希貝勒  
延壽分董其事四十一年正月襲封和碩簡親王  
四十九年正月掌宗人府事雍正元年正月充  
玉牒館總裁三年十月告成

賜銀幣尋因編載遺漏及辦事屢誤停俸撤六佐領歸公  
四年二月奏請再行酌撤佐領

恩免停俸

諭責其人甚卑鄙終日沉醉諸事漫不經心下所司議處



削爵

六次襲神保住簡修親王雅布第十四子康熙五十五年四月封三等奉國將軍雍正四年三月襲封和碩簡親王乾隆十三年九月

諭曰神保住自襲爵以來不知自愛恣意妄為致兩目成青因辭食王俸朕加恩賞給半俸贍其度日之資伊竟不知感恩守分且罔顧近派族人稍加周恤今據宗人府劾奏神保住凌虐伊兄忠保之女其行事

更出情理之外著革去王爵另行請旨承襲

七次襲德沛鄭獻親王濟爾哈朗從曾孫初王弟  
追封多羅貝勒芬古生傳喇塔封固山貝子生福  
存襲固山貝子德沛福存第八子也雍正十三年  
五月封三等鎮國將軍八月授兵部左侍郎乾隆  
元年七月任古北口提督二年二月授甘肅巡撫  
六月疏言備荒期於先籌賑恤貴乎實惠向遇歉  
歲州縣必俟詳允後動支倉庫錢糧上司又必委

驗核減文移輾轉至開倉散賑時而饑民已待哺  
不得攜老幼轉徙矣且倉廩大率在城近者尚可  
匍匐支領遠者每以跋涉甘餒是徒費

國家倉貯而饑民沾恩未遍甘省地處萬山風多雨  
少歲嘗歉薄民鮮蓋藏且地方遼濶倍他省州縣  
所轄由百里至四五百里不等間時已覺迢遙領  
賑尤多狼狽雖筋力壯盛者亦不能數百里往返  
領一日口糧况孤寡殘弱哉今歲雨暘時若可望

有秋但有備無患不得不預為綢繆臣思散賑貴  
多設廠而專其責於州縣請預勘各州縣地方就  
鄉村連絡處分擇公廨廟宇十餘處造具地名冊  
籍遇散賑時該州縣具詳日即將倉糧散給務使  
老少均沾強弱普被既無拮据之艱且免守候之  
累則向苦流離之人皆得就食但運糧腳價費多  
甘省每歲於青黃不接時令各州縣平糶倉糧秋  
收買補或遇豐年除還正項價餘亦即買糧存貯

此向例也嗣後賑恤運價應將此項糧價餘銀貯  
州縣庫停其買糧以為運費如不敷先於州縣庫  
不拘何項動支再於司庫舊存公用銀十八萬內  
還項賑畢造冊核銷如有捏冒立即叅賠如此則  
官易為理而民沾實惠矣奉

旨先事預防原當如此但運腳一項應用時咨部請示  
九月擢湖廣總督三年四月疏陳苗疆七事一苗  
民懶不習田請於新闢苗疆代買牛種器具令地

方官親勸開墾一苗民未覩禮讓請立義館以附  
近生員教誨一苗居山叢林密令官弁誘買樹木  
數年後山中無險可恃一苗寨係茅屋畏火攻請  
製火器一苗疆兵駐處偶有急需無項可支請於  
苗疆州縣庫存銀千兩同知通判駐所亦請交貯  
帑銀千兩并建常平倉買貯穀二三千石庶儲蓄  
有備一邊地緊要官兵勢難分佈查山東沿海及  
滇黔蜀粵俱有團練鄉勇之事應令地方官力行

此法一團有警各團救護立練總什長相統率一  
苗民貪賄忘親凡犯罪逃匿之案請懸立賞格有  
能擒獻重犯者賞銀廿兩情罪稍輕者賞銀八兩先刊  
石曉諭時廷議水田未便勸墾苗人不可欺誘至要犯  
懸購臨時酌賞餘俱如所請行十二月攝襄陽鎮總兵  
四年七月調閩浙總督八月疏言泉州府晉江縣之衙口  
鄉大姓肆橫械鬪等事不一而足祇緣僻處海濱  
不解法度查永寧舊寨地勢高敞去衙口陸行十

餘里由海徑渡七八里即可直達且街口原係陸路提標右營汛地應請即以該遊擊帶兵二百三十名移駐永寧其街口後身空公庵設把總一員兵五十名海邊石亭設一汛撥兵十名稽查又西倉處各大姓適中地查興化同知止司盜逃防海請以該管事務歸併興化通判即以該同知改隸泉州移駐西倉議如所請行五年十二月

諭廷臣曰德沛屢任封疆操守廉潔既一介不取而因



公犒賞之處又復繁多所得養廉不能敷用以致京中逋負不能清還且棄舊有之產朕心深為軫念此等清官應格外加恩以風有位著將福建藩庫銀就近賞給一萬兩示朕嘉獎之意六年二月

命稽查潁墅北新兩關七月兼署浙江巡撫七年四月調兩江總督八月疏言揚州猝被水廬舍蕩然現自揚州至寶應堤埂高阜災民斷續搭蓬居住將來興化泰州之無處容身者勢必移來人烟雜沓

俱係待賑窮民奸良莫辨臣於揚州城廂及高郵  
寶應令遊擊等水巡以期奸匪遁跡奉

旨好應如是辦理然只宜行之以暫而不可久初

上諭嗣後該州縣當秋成時穀價高昂不能買補而該  
處存倉穀石尚可接濟者照例詳請展限於次年買  
補倘穀價既屬不敷而貯倉穀石又係不足者准其  
詳明上司以別州縣穀價之贏餘添補採買為酌盈  
劑虛挹彼注茲之計至是德沛奏言江南地廣人稠

穀不敷食厯係取資江廣及上江棕陽運漕等處  
邇聞各處米價俱昂轉販者少如以別州縣贏餘  
添補則江蘇所屬買補止有不足並無贏餘若因  
籌補無項致通省倉貯全虛目前無以濟用日後  
何賴臣請俟秋成後各屬有糶價存庫者不拘本  
境鄰封擇時價稍平者即為代買其不敷之價應  
照前撫臣徐士林所請於捐監項下補足至淮揚  
徐海等州縣現在被災印官賑務殷繁不能兼顧

已飭藩司動支司庫銀十萬兩遴員採買俟飭提各屬糶價歸還原款奉

旨好著照所議行八年二月

召來京六月授吏部右侍郎十二月兼管國子監祭酒事務十年七月教習庶吉士十一年二月奉

上諭侍郎德沛因伊度日艱難指伊弟簡親王現食俸祿奏請借支十年以完舊逋以資生計著照所請行

閏三月轉吏部左侍郎十二年三月兼署戶部左

侍郎五月署山西巡撫九月

命尚書房行走十二月擢吏部尚書十三年七月以疾解任九月

諭曰神保住已獲罪革爵德沛於此王爵既有承襲之分且在等輩中較為厚重可即令承襲王爵德沛襲王之後宜追念從前諸王將族中應行資助之人加意周恤共相和睦以期仰沐朕恩於無既是月襲封和碩簡親王十七年六月薨年六十有五諡曰儀

八次襲奇通阿鄭獻親王濟爾哈朗曾孫初王第  
四子追封輔國公巴爾堪生巴賽襲輔國公奇通  
阿巴賽第十子也雍正四年八月封三等輔國將  
軍九月授頭等侍衛九年十二月襲父爵輔國公  
十年三月授散秩大臣乾隆元年四月任正紅旗  
滿洲都統三年十二月授領侍衛內大臣十七年  
十月襲封和碩簡親王二十一年六月掌宗人府  
事二十二年正月克

玉牒館總裁二十八年六月薨年六十有三諡曰勤

九次襲豐訥亨簡勤親王奇通阿第一子乾隆八年二月封三等輔國將軍二十三年七月以三等侍衛班領奉

命率健銳營兵一千勒準噶爾餘孽及回部十一月至阿克蘇城十二月隨叅贊大臣舒赫德進師巴爾楚克二十四年正月至呼爾瑞逆回霍集占引賊五千餘來犯豐訥亨同侍衛豐安等合諸軍擊卻

之追潰衆十餘里翌日再進賊據塹拒復奪塹所  
乘馬創易馬進賊退避夜率兵取水於沁達勒河  
連敗賊衆於渡口遂進援大軍之與賊相持於葉  
爾羌者敗賊於葉爾羌河岸大軍聞鎗礮聲突圍  
出合擊賊衆卻之乃還阿克蘇

詔嘉其臨陣奮勇遷二等侍衛尋擢鑲白旗滿洲副都  
統十月以經理臺站至額格爾呼爾璫遇結寨出  
掠之布魯特賊衆斬二十餘級得



旨獎叙二十五年三月

頒賚緞十二銀五百兩四月調阿克蘇兵赴伊犁為領  
隊大臣九月率兵百人捕竊馬臺站之瑪哈沁賊  
衆過察爾圖嶺窮追十餘日擒七十餘人獲馬五  
十餘復得

旨獎叙二十七年二月同領隊大臣伊勒圖驅越境遊  
牧之哈薩克部衆擒其魁五人收其馬二千餘至  
伊犁

詔以哈薩克歸附日淺未知內地法度宥其罪

諭獎豐訥亨熟悉情形令傳

旨曉諭哈薩克釋還其人及馬閏五月彙叙出征以來  
得三等功牌一頭等功牌四予雲騎尉世職十二  
月還京

賜雙眼孔雀翎遷護軍統領管健銳營事二十八年十  
月襲封和碩簡親王尋授領侍衛內大臣初簡勤  
親王原襲之輔國公及豐訥亨之雲騎尉世職因

己襲親王銷除三十年六月

諭嘉豐訥亨頻年出征頗著勞績其先世功勲所遺公爵宜仍予襲遂以豐訥亨之弟經訥亨襲互詳武襄輔國公傳三十四年正月任正黃旗漢軍都統三十八年十月掌宗人府事四十年十二月薨年五十有三諡曰恪

十次襲積哈納簡恪親王豐訥亨第二子乾隆四十年四月授頭等侍衛四十一年五月襲封和碩

簡親王尋授散秩大臣四十三年正月

命復鄭獻親王始封之號仍為鄭親王四十九年五月  
薨年二十有七諡曰恭子年未及歲現未議襲

欽定宗室王公功績表傳卷六

欽定四庫全書

欽定宗室王公功績表傳卷七

傳五 親王

和碩敬謹親王尼堪傳

尼堪

太祖高皇帝孫原封廣略貝勒褚英第三子初征多羅特

棟夔諸部有功天聰九年五月大兵征明山西隨

貝勒多鐸率偏師入寧錦界牽制明西援兵崇德

元年封固山貝子十二月

上征朝鮮李倧遁尼堪隨豫親王多鐸追至南漢山城圍之朝鮮將來援為我軍所殲又擊敗其副將援兵二年正月李倧降師還四月預議政四年二月

上征明隨武英郡王阿濟格等率四旗兵環守塔山連山七年九月代公博和託等駐守錦州順治元年四月隨睿親王多爾袞入山海關敗流賊李自成五月隨武英郡王追擊流賊于望都十月晉封多羅

貝勒十二月隨豫親王率師自孟津至陝州大破  
賊衆二年正月至潼關賊將劉方亮犯我營尼堪  
同護軍統領圖賴夾擊之獲馬三百餘賊又以騎  
兵橫衝我師同貝子尚善擊敗之三月趨歸德定  
河南

諭嘉王貝勒等勤勞日久

賜尼堪弓一五月隨豫親王克明南京追縛福王朱由崧  
於蕪湖又攻克江陰十月凱旋



賜金二百兩銀萬五千兩鞍一馬五三年三月隨肅親王  
豪格西征尼堪抵西安由棧道進發賊渠賀珍自  
鷄頭關迎拒敗之抵漢中疾躡其營賊潰走西鄉  
追擊于楚湖至漢陰賊二隻虎奔四川孫守法奔  
岳科寨十一月入蜀張獻忠伏誅與貝子滿達海  
分兵勦遵義夔州茂州榮昌隆昌富順內江資陽  
擒斬偽王及官弁等二千三百有奇俘獲無算川  
寇平互見肅武親王傳五年正月師旋八月同英

親王阿濟格勦平天津土寇九月晉封多羅郡王  
加號敬謹六年正月

命為定西大將軍討大同叛鎮姜瓖三月奏都統阿賴等  
屢挫賊衆敗偽巡撫姜輝兵偽叅將羅英壇率所  
部降是月睿親王多爾袞赴大同招撫瓖承

制晉尼堪為親王四月圍大同八月偽總兵楊振威等斬  
瓖及其兄琳弟有光降七年二月

命理六部事八月以徇隱尚書阿哈尼堪不親往迎朝鮮

王弟事降郡王八年正月晉封和碩敬謹親王二月同諸王奏削故睿親王封爵三月以英親王私藏兵器事隱不奏降郡王尋

命諸王分管六部王掌禮部五月復封親王九年六月掌宗人府事時獻忠餘孽孫可望李定國等皆受明桂王朱由榔封爵分犯湖南貴州七月

命為定遠大將軍征之瀕行

賜御服佩刀鞍馬

上親送至南苑八月定國陷桂林

勅王母往貴州取湖南寶慶後入廣西勦賊十一月抵湘  
潭由榔將馬進忠遁我師進擊于衡山縣敗其兵  
千八百是夜兼程趨衡州詰旦大兵方列陣定國  
兵四萬餘猝至王遣首隊進擊大破之逐北二十  
餘里獲象四馬八百有奇方進擊時林中賊伏發  
城內賊出應之師欲退王曰我兵凡臨陣無退者  
我為宗室不斬除逆寇何面目歸乎遂奮勇直入

賊環圍之王率諸將士縱橫衝擊矢盡拔刀力戰  
没于陣年四十有三十年十月喪還輟朝三日

命親王以下郊迎謚曰莊十六年十月追論王分取睿親

王所遺財物掌禮部時不叅劾尚書譚泰罪削  
爵

詔王以宗室陣亡仍留王爵

初次襲尼思哈敬謹莊親王尼堪第二子順治十  
年十二月襲封和碩敬謹親王十七年十一月薨

年十歲謚曰悼

二次襲蘭布敬謹莊親王尼堪第一子順治十三年正月封三等輔國將軍十八年六月降襲多羅貝勒康熙六年二月

諭宗人府曰尼堪以親王陣亡殊屬可憫

世祖章皇帝復嘗矜念仍留所襲之爵又無不准承襲之旨蘭布著封為郡王仍與原號七年八月蘭布以父陣亡功請復得

旨蘭布著襲封和碩親王八年五月議蘭布娶輔臣鰲拜  
孫女為妻詰鰲拜罪狀狡稱不知降鎮國公十三年  
六月隨貝勒尚善討逆藩吳三桂於湖南十七  
年十月卒於軍年三十有七十九年十一月追論  
在岳州時退縮罪削爵

三次襲賴士原襲親王蘭布第四子康熙十八年  
四月降襲輔國公三十五年正月

上親征噶爾丹賴士統兵赴歸化城駐守十一月師還五

十三年四月議賴士不安靜守分探聽消息散布流言削爵五十四年五月赴阿爾台軍前効力五十九年七月隨征西將軍祁里德至額爾齊斯河擊殺賊衆議叙得頭等功牌一雍正八年二月復封輔國公十年閏五月卒年七十有一

四次襲富增原襲親王蘭布孫輔國公務友第六子康熙四十八年十二月封三等鎮國將軍五十二年五月襲封輔國公雍正四年二月



諭宗人府曰輔國公富增人甚不及前革退賴士公爵時因無可承襲之人始令伊承襲今賴士在軍前行走數年其子伊爾登又甚勤謹竭力行行走著將富增公爵革退與伊爾登承襲

五次襲伊爾登輔國公賴士第三子雍正三年五月管武備院事九月任鑲藍旗漢軍副都統四年二月遷右翼前鋒統領是月襲封輔國公六年八月擢正黃旗蒙古都統八年三月攝鑲紅旗護軍

統領十一月復署右翼前鋒統領乾隆十四年四月卒年六十有六謚曰簡恪

六次襲富春簡恪輔國公伊爾登第七子乾隆十四年十月襲封奉恩輔國公三十五年四月授吉林將軍四十二年六月調杭州將軍十一月以前任吉林時不能禁止採參議革將軍得

旨富春著革去公爵另襲仍革職留杭州將軍之任四十年十一月革任

七次襲賓寧原襲奉恩輔國公富春第二子乾隆  
二十六年十二月授四等侍衛二十七年正月封  
二等奉國將軍十一月遷三等待衛三十九年十  
二月遷二等待衛四十年十一月遷頭等待衛四  
十二年十一月襲封奉恩輔國公四十三年三月  
上念敬謹親王尼堪功勳頗顯且以力戰捐軀晉封賓  
寧為鎮國公世襲罔替四十七年八月任正紅旗  
蒙古副都統十月授宗人府左宗人四十八年五

月任鑲藍旗護軍統領



和碩額親王薩哈璘傳

薩哈璘

太祖高皇帝孫禮烈親王代善第三子初授台吉天命十年十一月察哈爾林丹汗圍科爾沁薩哈璘以精騎五千援之林丹汗遁十一年四月征喀爾喀巴林部十月征扎魯特部俱有功是年封貝勒天聰元年五月

上征明同貝勒德格類等率護軍精騎為前隊

上由大凌河至錦州城明兵遁薩哈璘邀殲之復同三貝勒莽古爾泰等領偏師衛塔山糧運敗明兵二萬大軍薄寧遠城擊明總兵滿桂斬級無算薩哈璘以力戰被創三年十月

上征明次波羅河屯大貝勒代善莽古爾泰密請班師上不憚薩哈璘偕貝勒岳託等力勸決進取遂由洪山口克遵化進逼明北京十二月薩哈璘略通州焚其船克張家灣圍永平克香河縣復殲沙河驛蒙古

兵之出奔山海關者五百人四年正月克永平同  
貝勒濟爾哈朗駐守永平人李春旺者訛言將屠城  
以惑衆梟之招諭所屬之遷安灤州建昌臺頭營  
鞍山保皆降事具鄭獻親王傳三月遣軍敗明副  
將張宏謨兵四月明兵自樂亭撫寧攻灤州薩哈  
璘率兵援之敗遁二貝勒阿敏來代乃攜所俘還  
五年三月

命諸貝勒直言時政薩哈璘奏曰圖治在乎用人人主灼



知邪正則臣下爭尚名節竭力圖功惟

皇上慎簡貝勒大臣及審事官任以政務遇大征伐

上親在行間諸臣自悉遵方略若遣發宜選賢能者為帥

給符節畀事權仍限官品某以下干軍令者許軍法  
從事七月初設六部

命掌禮部事是月

上征明與貝勒杜度豪格留守六年五月同濟爾哈朗等  
率右翼兵略歸化城黃河諸路俘蒙古千餘復指

授歸順蒙古諸貝勒牧地申約法十月師還七年

六月

詔問征明及察哈爾朝鮮三者何先奏言當寬朝鮮拒察  
哈爾而專征明察哈爾雖不加兵彼如蟲食穴中  
勢必自盡至於明我少緩一年彼守禦益固臣意  
視今歲秋成圖進取乘彼禾稼方熟因糧於彼為  
再進計量留兵防察哈爾

上先與諸貝勒以騎往來襲擊俘獲蹈躡之再

命貝勒率精兵自一片石入山海關則彼寧錦諸州為無用或仍從寧錦入斷北京四路度地形奪糧足之地據守勿歸乘機伺便二三年中大勲克集矣八月同貝勒阿巴泰阿濟格略明山海關師還

上不乘勝入內地責之八年二月同貝勒多爾袞往迎明降將尚可喜招撫廣鹿長山二島戶口三千八百有奇六月

上征明薩哈璘自喀喇鄂博攻克得勝保殲明兵叅將李

全自縊八月略代州偵崞縣城頽夜襲拔之王東  
板鎮二保居民棄城遁復敗代州騎兵百步兵三  
百追薄城乃率兵會

御營於大同籍俘獲數以

聞九年二月同多爾袞岳託豪格等統兵收察哈爾林丹  
汗子額哲途遇察哈爾汗之妻及台吉索諾木率  
屬來降進抵托里圖盡取額哲全部師還岳託駐  
軍歸化城薩哈璘復同多爾袞豪格略明山西府

縣仍由歸化城旋事具睿忠親王傳先是諸貝勒大臣以遠人歸附國勢日隆合詞請上

尊號

上卻之十二月諸貝勒以收察哈爾全部復請

上仍不允薩哈璘乃令內院大臣希福等奏曰臣等屢請

未蒙

俯鑒夙夜悚惶罔知所措伏思

皇上不受尊號咎在諸貝勒不能殫竭忠信展布嘉猷為

久大計今諸貝勒誓改行竭忠輔開太平之基

皇上宜受尊號

上稱善曰薩哈璘為朕深謀善承

皇考開創之業開陳及此實獲我心其應誓與否爾身任  
禮部當自主之翼日薩哈璘集諸貝勒於朝各書誓詞  
以奏

上以內外諸貝勒誠難固讓而朝鮮乃通好之國宜使告  
知薩哈璘復奏諸貝勒當遣人與使臣同往告以

內外之誠并示以各國來附兵力強盛之實

上嘉納之崇德元年正月薩哈璘有疾

上遣希福等傳諭曰朕欲爾病速痊念之甚切爾則不可  
強圖亟愈即思見朕也羣子弟中啓我所不及助我所  
遺忘整理治道惟爾是賴爾但當勤於調治以冀病痊  
薩哈璘對曰蒙

皇上溫旨眷顧竊冀仰荷

恩育或可得生即不幸先填溝壑亦復何憾但當國家大

勲垂就不能盡力捐軀輾轉床蓐為可恨耳希福等以其言奏

上惻然曰國家豈有專事甲兵以為政治者儻疆土日增克成大業無此明哲人何以整理乎是月

上臨視薩哈璘疾見其羸瘠淚下薩哈璘悲痛流涕五月  
薨年三十有三薩哈璘明達聰敏通曉滿漢蒙古  
文義掌部事贊謨猷

上深嘉之病革



上復親臨及薨不勝震悼入哭者四自辰至午乃還

宮仍於庭中設

幄坐不御飲食輟朝三日祭時

上親奠哭追封和碩穎親王讀冊畢復痛哭三奠六月

上御翔鳳樓偶假寐夢人請曰穎親王乞賜牛一如是者

再寤以問希福等皆奏曰此

皇上悼念所致

上曰不然當別有故於是希福等檢會典凡親王薨初祭

例賜一牛穎親王初祭未用牛

上命致祭如禮康熙十年六月追謚曰毅乾隆十九年九月入祀

盛京賢王祠

初次襲阿達禮追封穎毅親王薩哈璘第一子崇德元年六月襲封多羅郡王三年二月從征喀爾喀至博碩堆偵扎薩克圖汗遠遁而還五年五月同鄭親王濟爾哈朗等駐義州迎來歸蒙古多羅特

部于杏山西五里臺敗明追兵

賜御廐良馬一六年三月同鄭親王圍錦州降城中蒙古

台吉諾木齊吳巴什等四月敗明援兵于錦州南  
山西岡六月敗明松山援兵九月圍松山明兵犯  
我鑲黃旗正紅旗正黃旗營擊敗之斬級千四百  
餘七年二月克松山城俘明總督洪承疇巡撫邱  
民仰等事俱詳鄭獻親王傳七月叙功

賜鞍馬一蟒緞九十尋

命管禮部事預議政先是

上御篤恭殿王以下及衆官皆立侍九月王請更定儀制  
上御殿及

賜宴親王以下衆官等皆跪迎

上升陛方起

駕興亦如之十月貝勒阿巴泰证明薊州同豫郡王多鐸  
屯寧遠牽制援兵八年八月

世祖章皇帝嗣位以阿達禮與貝子碩託謀立睿親王伏

誅爵除

和碩端重親王博洛傳

博洛

太祖高皇帝孫饒餘敏郡王阿巴泰第三子天聰九年五月大軍由明宣府大同邊境征朔州代州應州別遣貝勒多鐸從廣寧入寧遠錦州界牽制明關外兵使不得援山西博洛隨征有功崇德元年封固山貝子隨父阿巴泰征明延慶州凱旋預宴二年四月預議政三年七月任理藩院承政十月從

上征明寧遠分軍趨中後所明總兵祖大壽猝襲我後衝  
潰土默特蒙古兵護軍統領哈寧阿等與相持博  
洛突前奮擊敵乃卻五年五月同鄭親王濟爾哈  
朗駐營義州迎來歸之蒙古多羅特部于杏山西五  
里臺敗明追兵

賜良馬一尋與諸王更番圍錦州六年八月明總督洪承  
疇來援敗之松山追至塔山獲其筆架山積粟事  
具英親王傳又同貝勒羅洛渾等設伏桑阿爾齋

保擊敗王撲吳三桂七年春松山錦州相繼下博  
洛與兄輔國公博和託暨貝子尼堪等更番駐防  
錦州順治元年四月隨睿親王多爾袞入山海關  
破流賊李自成十月晉封多羅貝勒隨豫親王多  
鐸征河南破李自成於潼關下西安南定江寧豫  
親王分兵半以博洛領之招撫常州蘇州同鎮國  
將軍拜音圖等趨杭州明兵分拒皆敗夜渡錢塘  
江逃我軍追至江岸駐營敵見之以為潮且至營



必沒而潮連日不至敵驚為神明潞王朱常淂遂率杭州官屬開門納款淮王朱常清亦自紹興渡江來歸十月凱旋

賜金二百兩銀萬五千兩鞍馬一三年二月

命為征南大將軍往平浙閩五月至杭州時明魯王朱以海稱監國于紹興舊將方國安等營錢塘江東岸綿亘二百里我軍無舟不得渡忽江沙暴漲水淺可涉護軍統領圖賴等策馬徑渡敵驚遁博洛遣

貝子屯齊等繼進國安棄舟遁以海走台州斬殪  
無算擒敵將武景科等撫定紹興六月圍金華七  
月克之斬明蜀王朱盛濃等遂克衢州浙江悉平  
明唐王朱聿鍵猶據福建我軍分常山江山兩路  
並進博洛偕圖賴與前鋒統領努山護軍統領都  
爾德破敵仙霞關克浦城建寧延平聿鍵先由延  
平走汀州博洛遣護軍統領阿濟格尼堪等克其  
城擒聿鍵及曲陽王朱盛渡西河王朱盛淦松滋

王朱演漢西城王朱通簡及其官屬敵將姜正希  
引兵二萬來援夜襲城擊卻之斬級萬餘鎮國將  
軍漢岱等敗敵將師福于分水關克崇安縣副都  
統卓布泰等克福州先後二十餘捷斬其巡撫楊  
廷清李暄楊文忠降偽國公鄭芝龍等二百九十  
餘人馬步兵十一萬有奇撫定興化漳州泉州等  
府十一月朔捷

聞得

旨嘉獎是月博洛駐福州令總兵佟養甲進征廣東時聿  
鍵弟聿鏞據廣州偽稱紹武年號養甲既克潮州  
惠州遂薄廣州克其城斬聿鏞及其宗屬十餘人  
撫定廣州四年二月博洛承

制以佟養甲為兩廣總督自率貝子博和託都統圖賴等  
凱旋

優賚所獲金幣人口叙功晉封多羅郡王加號端重五年  
十一月同英親王阿濟格往大同偵防喀爾喀至

則總兵姜瓖已據城叛遂圍之六年正月叛黨劉  
遷陷代州王偕郡王碩塞赴援克其郭賊遁三月  
旋師大同瓖潛期助馬得勝兩路賊五千由北山  
逼我營自驅騎千餘出犯王與護軍統領鰲拜徹  
爾布等分禦之擊斬過半北山賊竄瓖亦閉城不  
敢復出是月睿親王赴大同招撫瓖承

旨晉博洛為親王四月

命為定西大將軍移師討汾州叛賊五月奏清源交城文

水徐溝祁縣賊平六月奏賊犯平陽遣副都統譚  
布擊敗之賊渡河遁七月賊萬餘犯絳州遣副都  
統洛碩擊走之斬級二千餘又分遣諸將勦賊孝  
義縣克其城屢敗賊于壽陽平遙遼州榆社時英  
親王與敬謹親王尼堪圍大同親王滿達海與郡  
王瓦克達勦賊朔州寧武有

旨令博洛酌撤閒駐兵率還京王疏言太原平陽汾州三  
府屬州縣雖漸收復然未復者尚多恐撤兵後賊

乘虛襲據應仍留守禦

上是其言令侯滿達海自朔州移師至汾州併力勦賊八

月大同降將楊振威斬環首獻英親王軍王與滿

達海合兵攻汾州九月克其城斬偽巡撫姜建勲

偽布政使劉炳業復嵐縣永寧州遣軍分勦餘賊

于岳陽縣絳州孟城驛老君廟殲之乃班師七年

二月

命理六部事八月以徇隱尚書阿哈尼堪不親往迎朝鮮

王弟事降郡王八年正月晉封和碩端重親王二月同諸王奏削故睿親王封爵三月以英親王私藏軍器事隱不奏降郡王尋

命諸王分管六部王掌戶部五月復封親王八月

上察知尚書譚泰狂悖逞私持六部權下諸王勘問王與貝子錫翰等証其罪狀伏誅九年三月薨年四十謚曰定十四年正月王第四子塔爾納封多羅郡王三月卒年十有五謚曰敏思十六年十月追論王



分取睿親王所遺財物掌戶部時不叅劾譚泰罪  
削博洛及塔爾納爵謚

初次襲齊克新原封端重定親王博洛第八子順  
治十二年四月襲封和碩端重親王十六年十月  
追論博洛罪降齊克新多羅貝勒十八年正月薨  
年十有二謚曰懷思爵除

欽定宗室王公功績表傳卷七

欽定四庫全書

史部

欽定宗室王公功績表傳卷八

主事臣陳若霖覆校

總校官檢討臣何思鈞

欽定四庫全書

欽定宗室王公功績表傳卷八

傳六 郡王

多羅饒餘郡王阿巴泰傳

阿巴泰

太祖高皇帝第七子初授台吉歲辛亥七月同費英東安

費揚古率兵千征東海窩集部之烏爾固辰穆稜  
二路俘千餘人還天命八年四月同台吉德格類

齋桑古岳託征扎嚕特部渡遼河由額爾格勒行  
百餘里攻其部長昂安所居昂安攜妻子從二十  
餘人遁我總兵官達音布先驅追及戰沒阿巴泰  
督諸將繼進斬昂安及其子俘其衆以還

上行郊勞禮隨征將士分

賜所俘十年十一月同三貝勒莽古爾泰貝勒濟爾哈朗  
等援科爾沁時察哈爾林丹汗圍科爾沁之克勒  
珠爾根城已數日我軍至農安塔林丹汗夜遁軍

還十一年九月

太宗文皇帝即位封阿巴泰貝勒阿巴泰語額駙揚古利  
達爾漢曰戰則我擐甲胄行獵則我佩弓矢出何  
不得為和碩貝勒揚古利等以奏

上命勸其勿怨望天聰元年五月

上親征明錦州同貝勒杜度居守十二月察哈爾昂坤杜稜  
來歸設宴阿巴泰語納穆泰曰我與小貝勒列坐蒙  
古貝勒明安巴克俱坐我上實恥之納穆泰入奏

上宣示諸貝勒於是大貝勒代善率諸貝勒訓責之曰德  
格類濟爾哈朗杜度岳託碩託早隨五大臣議政  
爾不預阿濟格多爾袞多鐸皆

先帝分給全旗之子諸貝勒又先爾入八分列爾今為貝  
勒心猶不足欲與和碩貝勒抗將紊紀綱耶阿巴  
泰引罪願罰於是罰甲冑雕鞍馬各四素鞍馬八  
二年五月同貝勒岳託碩託証明錦州敵棄城退  
守寧遠自十三山站以東毀堆二十一斬守者三

十人獲人畜毀錦州杏山高橋三城師還

上出五里迎勞三年十月從

上征明由喀喇沁之波羅河屯行七日同貝勒阿濟格率

左翼軍克龍井關敗明援兵進克漢兒莊事詳英

親王傳時右翼軍克大安口

上親統師克洪山口並趨遵化十一月敗明援兵自山海

關至者下遵化城由薊州三河縣趨通州明大同

總兵滿桂宣府總兵侯世祿屯順義縣阿巴泰同

岳託擊走之獲馬千餘駝百餘順義知縣降大軍  
駐京城北土城關之東北明寧遠巡撫袁崇煥錦  
州總兵祖大壽以兵二萬來援屯廣渠門外阿巴  
泰同貝勒莽古爾泰阿濟格多爾袞多鐸豪格攻  
之間敵右伏甚衆因約軍入隘趨右由正路入者  
與避敵同豪格趨右敗伏兵轉戰至城壕阿巴泰  
與豪格離由正路衝潰敵兵亦抵壕既收軍諸貝  
勒大臣議阿巴泰違約罪應削爵奪所屬人員給



豪格

上曰阿巴泰非怯懦者特以顧其二子致離豪格耳朕奈何以子故加罪於兄因宥之十二月同阿濟格等焚通州克張家灣從

上至薊州敗敵援兵事具英親王傳四年正月捕斬叛將劉興祚於山海關事具鄭獻親王傳二月

上旋蹕以阿巴泰同濟爾哈朗貝勒薩哈璘鎮永平四月明兵攻我軍駐守灤州者擊走之事具額毅親王

傳五年三月

命諸貝勒直言時政阿巴泰奏曰國人怨惟患不知未有見善而不以為善見惡而不以為惡者臣無他能

謹識

上諭自今凡事從公斷而已七月初設六部

命掌工部事八月從

上圍明大凌河城正黃旗兵圍北之西鑲黃旗兵圍北之

東阿巴泰軍其中策應十月明總兵祖大壽以城

降

上議取錦州策

命阿巴泰同貝勒德格類多爾袞岳託率兵四千作漢裝  
偕大壽及降兵三百五十人乘夜襲錦州二更行  
礮聲不絕錦州城中聞之以為大凌河圍者得脫  
分路應援我軍擊斬甚衆會大霧皆失隊伍乃收  
軍還七年三月監築蘭磐城五月

召宴

賜御用蟒衣一紫貂皮八馬一六月

詔問征明及朝鮮察哈爾三者何先奏言明之情形

皇上既悉知之其地利臣等亦熟識之襲其不備關門可

得

親統大軍駐關外擇貝勒大臣分路入關獲其人可用者

用之消息易得錦州無足顧慮天時既至可令祖

大壽入山海關與我兵會合攻取八月同阿濟格

等征明畧山海關而還

訓誡之八年五月從

上征明宣府八月同阿濟格克靈邱縣及王家莊獻捷大

同城南山岡

御營九年七月

諭阿巴泰曰爾嘗自謂手疼似覺不耐勞苦不知人身血脈勞則無滯惟圖家居佚樂身不涉郊原手不持弓矢忽爾行動疾疼易生若日以騎射為事奚復患此凡有統帥士卒之責者非躬親教演士卒孰肯專心武事騎

射之藝精於勤而荒於嬉不可不時加練習爾當努力奮勵毋偷安旦夕斯克敵制勝能報

先帝養育之恩為國盡忠矣崇德元年四月晉封多羅饒餘貝勒六月同武英郡王阿濟格等征明大捷九月凱還事詳英親王傳十二月

上親征朝鮮令駐防噶海城二年二月遣兵入明義州境捉生得二人是月朝鮮降

上班師阿巴泰攜駐噶海兵還瀋陽三年二月

上親征喀爾喀以阿巴泰與禮親王代善等留守並監築

都爾弼城治

盛京至遼河大路九月同睿親王多爾袞征明四年

四月凱旋

賜馬二銀五千兩事俱詳睿忠親王傳九月同武英郡王  
等赴明錦州寧遠偵敵五年六月同睿親王等赴  
明義州督兵屯田有功七月同貝勒杜度率兵設  
伏寧遠路殲明運糧兵獲米千石九月敗明杏山

松山兵時大軍更番圍錦州受代而還十二月往  
圍錦州六年三月以聽從睿親王離錦州城三十  
里駐營及遣兵還家事論削爵奪所屬戶口

詔從寬罰銀二千兩六月復攻圍錦州敗明總督洪承疇  
援兵十三萬於松山獲馬五百七十

上親征殲敵數萬九月

駕旋留軍合圍松山杏山高橋

命阿巴泰仍與諸王更番圍錦州七年三月錦州降同鄭



親王濟爾哈朗進克杏山回駐錦州七月受代還

叙功

賜蟒緞七十是年十月授奉命大將軍同內大臣圖爾格

上親送郊外十一月由黃崖口入敗明總兵白騰蛟白廣恩於薊州破河間景州趨兗州擒明魯王朱以海及樂陵陽信東原安邱滋陽諸王分兵徇萊州登州青州莒州沂州南至海州凡攻克撫降城八十

八還畧滄州天津三河密雲八年六月由牆子嶺  
凱還

上遣鄭親王睿親王等郊迎三十里

賜銀萬兩順治元年四月叙功晉封多羅饒餘郡王二年

正月統兵鎮山東勦平滿家洞土賊時明福王朱

由崧兵屯徐州東北遣都統準塔等往勦捷還三

年三月薨年五十有八康熙元年二月以子岳樂

晉和碩親王贈如其爵十年六月追謚曰敏乾隆

十九年九月入祀

盛京賢王祠

初次襲岳樂饒餘敏郡王阿巴泰第四子初封鎮  
國公順治三年正月隨肅親王豪格征四川誅流  
賊張獻忠五年八月隨英親王阿濟格勦平天津  
土賊十一月復隨英親王駐防大同六年九月晉  
封多羅貝勒八年二月襲封多羅郡王改號曰安  
九年二月掌工部事十月預議政十年七月以喀

爾喀部土謝圖汗車臣汗等違

旨不還所掠巴林戶口又來索歸順同部蒙古

命為宣威大將軍駐歸化城相機進剿尋因喀爾喀悔罪

入貢撤還十二年八月掌宗人府事十四年十一

月

諭獎性行端良莅事敬慎晉封和碩安親王康熙十三年

十月

命為定遠平寇大將軍赴江西剿逆藩吳三桂耿精忠賊

黨進鎮廣東十二月抵南昌

詔移師征湖南王奏江西形勢為廣東咽喉江南湖廣要衝  
今三十餘城皆賊盤據且吳逆造木城於醴陵置  
偽總兵十餘人兵七萬猺獠三千堅守萍鄉諸隘  
若撤撫州饒州都昌防兵往湖南則諸處復為賊  
有否則兵勢單弱不能長驅且廣東諸路恐亦多  
阻臣欲先平江西賊無卻顧憂然後分防險要移  
師湖南得

旨令速行整理江西要地旋奏遣副都統穆成額等擊走  
吳逆偽總兵張泰殺賊五千餘復安福縣又奏副  
都統雅賚等招撫康山餘賊復都昌縣十四年二  
月奏護軍統領桑格等陣斬偽總兵朱一典謝以  
泰等復上高新昌二縣三月奏將軍希爾根前鋒  
統領舒恕敗賊撫州之唐埠及七里岡四月奏副  
都統珠喇禪等敗賊五桂寨徐汭等處并招撫冷  
口南湖西湖強山銅鼓營諸偽官復餘干東鄉二

縣王親攻建昌耿逆偽將軍邵連登迎戰長興鄉  
擊走之復建昌府城分兵破賊於石頭街鸞石嶺  
白水山口遂復萬年安仁二縣閏五月

諭留兵守建昌速回南昌居中調度是月奏都統霍特敗  
賊新城縣副都統珠喇禪敗賊武寧縣將軍額楚  
敗賊弋陽縣復廣信府六月奏將軍希爾根敗賊  
餘干縣復饒州又敗賊碣碑鋪及景德鎮復浮梁  
樂平二縣前鋒統領舒恕總兵許真敗賊宜黃躡

之踰崇仁及樂安三縣並復七月奏泰和龍泉永  
新廬陵永寧及湖廣茶陵並就撫九月奏遊擊周  
志新等破吳逆偽總兵桂芳等復靖安縣十一月  
疏言吳逆聞臣進取長沙必固守要害非綠旗兵  
無以搜險非紅衣礮不能破壘乞令提督趙國祚  
都督陳平各率所屬隨臣進討並

敕發新造西洋礮二十又奏希爾根額楚勦滅浮梁餘賊  
招降偽將張輔聖等復貴溪縣十二月奏耿逆偽



總兵張存遣來告領兵八千屯順昌俟大兵進閩  
為內應

詔以簡親王喇布已自江寧移駐南昌閩事付之料理王  
即進征長沙十五年二月王至萍鄉分兵四路破  
賊寨十二吳逆偽將軍夏國相遁收復萍鄉縣遂  
進薄長沙七月奏賊船集長沙城下我兵無船難  
破賊長沙附近林木多請先

敕撥戰艦七十濟用并令督撫委員伐材造船

詔並如所請八月

諭曰朕聞王恢復萍鄉大創逆賊直抵長沙甚為嘉悅王其善撫百姓俾困苦得紓至脅從叛變之人原皆朕之臣子當加意招徠十六年正月遣副都統阿進泰等敗偽總兵解先聲及馬棚賊於瀏陽縣十二月遣兵敗賊平江縣復其城十七年閏三月奏遣兵追勦馬棚賊邱義尚於七家洞擒斬無算招降偽總兵揭玉慶朱永升等偽將軍林興珠率偽官楊廷言等

自湘潭來降九月

詔以三桂既伏冥誅賊勢漸潰宜廣示招徠速行攻勦王  
請自赴岳州布置舟師調諸路大礮攻賊陸營

上命大將軍貝勒察尼急圖岳州王仍圍攻長沙十八年  
正月岳州偽將軍陳珀偽總兵王度冲降於察尼  
軍餘賊潰竄長沙賊亦棄城遁王入城撫定遣前  
鋒叅領沙納哈等復湘潭縣賊退據衡山縣王遣  
兵會簡親王敗賊衆衡州寶慶相繼復六月疏言

臣所統護軍驍騎兵每佐領下十五人蒙古兵一百餘人喇布既進取新寧臣當率每佐領兵十一綠旗兵一萬與喇布相期進勦武岡東口賊留每佐領兵各一綠旗兵一千二百及荊州水師二千守衡州留每佐領兵各一綠旗兵一千守寶慶撥每佐領兵各二協同綠旗兵守岳州

詔如所議行是月遣都統釋迦保敗賊寶慶之巖溪斬級數百獲船四十餘偽總兵王熙忠偽副將陳起鳳

偽知府金世正等降七月王統師抵紫陽河見賊  
營對岸令提督趙國祚副將尼滿偕降將林興珠  
渡河直前護軍統領瓦岱等繞出賊後夾擊大潰  
追斬二百餘級偽知縣周冠陳殿賜等降進攻武  
岡賊帥吳國貴胡國柱以賊二萬餘據隘口我軍  
奮攻礮斃國貴賊駭竄貝子彰泰追至木瓜橋殺  
賊無算遂復武岡州及楓木嶺八月奏捷得

旨嘉獎十一月

命以敕印付貝子彰泰撤每佐領兵八率還京十九年正

月

上遣官迎宣

諭曰王連年以來遠莅巖疆親經百戰擲風沐雨厯暑逾  
寒競揚貔虎之雄克清梟獍之孽湖湘諸處已見蕩平  
滇黔餘氛俱成坐困更體朕軫念窮荒之心廣示招徠  
深加撫恤王師所至遐邇來歸捷奏屢宣中外稱慶朕  
既嘉碩畫益篤親爰命班師副朕懷想頃者聞王已

抵武昌奏凱可期特遣使臣慰勞兼賜駱駝良馬以示優眷王具按程而來朕將計日以待三月凱旋

上行郊勞禮於盧溝橋南二十里王俘偽明太子朱慈燦以來先是順治元年冬有赴故明外戚周奎家自稱太子者奎白諸

朝令舊宮人及東宮官屬辨視非真法司鞠實太監楊玉取劉姓子詐冒狀並伏誅康熙十二年冬京師聞三桂反有自稱三太子朱慈瑞者偽署廣德

元年糾黨京城內外舉火作亂擒其黨於鼓樓西街及燈市口詰以朱慈瑞云即楊起隆已遁矣十八年秋王駐營楓木嶺土人首擒偽軍師戴必顯無為教姚文明因獲朱慈燦於新化縣僧寺追訊前在京城逆謀慈燦訴已係崇禎帝長子十二歲遭闖難出奔南京後未再至北京福王由崧曾寘諸獄釋為民即往河南隨朽木和尚為僧流落江西湖廣二十餘年因病還俗往來永州寶慶欲聲



討吳三桂悖逆反覆不忠不孝不義諸罪商之戴  
必顯姚文明招兵散劄一年因三桂死中止王疏  
陳獻詞請

上旨因言前此屢有冒明太子事朱慈燦雖云欲討吳逆招  
兵散劄但當大軍復寶慶時不即自首應與戴必  
顯姚文明並論斬其曾受偽劄人已示許自首續  
繳偽劄銷燬免罪慈燦既自稱真係明嗣當械至  
京辨識得

旨朱慈燦等着王帶來俟到日再議至是王移送法司令  
與前繫獄之朱慈瑞逆黨對質俱不識詰其造印  
散劄與戴必顯姚文明謀亂屬實皆擬凌遲如律  
詔並改為處斬是年秋復有以朱慈瑞之名在陝西煽誘  
者擒之漢中三河口大將軍圖海械送至京

敕法司勘面有刺痕實非明嗣并非楊起隆依大逆律磔  
於市二十年十二月

命王仍掌宗人府事二十七年七月以噶爾丹擾喀爾喀

同簡親王雅布各率兵五百赴蘇尼特汎界駐防  
十月撤還二十八年二月薨年六十有五諡曰和  
三十九年十二月禮烈親王代善之曾孫原封貝  
勒諾尼訴岳樂康熙四年掌宗人府事偏聽諾尼  
姑母讒言枉坐諾尼不孝死罪革爵繫獄蒙

鑒原釋放岳樂誣陷無辜理應反坐

詔宗人府會同領侍衛內大臣察議復諾尼貝勒追降岳  
樂為郡王削其諡

二次襲瑪爾渾安郡王岳樂第十五子康熙十六年正月封世子二十九年二月襲封多羅安郡王三十五年正月大軍將征噶爾丹

命率兵往歸化城偵防四十年十月掌宗人府事四十五年充

玉牒館總裁四十八年十一月薨年四十有七謚曰愍

三次襲華玘安愍郡王瑪爾渾第二子康熙四十九年二月襲封多羅安郡王五十八年九月薨年

三十有五諡曰節雍正元年十二月

諭廷臣曰曷時安郡王岳樂諂附輔政大臣又自恃長輩  
每觸忤

皇考蒙

聖德寬仁始終容宥而伊諸子全不知感不務竭誠効力  
弟兄之間互相傾軋競事營求妄冀得爵讒害骨肉此  
衆所共知者瑪爾渾係應襲王爵之人似屬安分其子  
華玘尚無劣蹟而其嗣夭折封爵懸虛是以

皇考審擇其人躊躇有待乃安郡王岳樂之子伍爾占孫色亨圖等遽生怨望形於辭色夫國家恩施豈可倚恃而強邀今廉親王允禩借此逞其讒說以離間宗室舊人致朕從容施恩之本念俱不可行將襲封安郡王之本章發回不准承襲舊所屬佐領撤出另撥乾隆四十

三年三月

上追念饒餘敏郡王阿巴泰安郡王岳樂累著功績賜奉恩輔國公爵世襲罔替

四次襲奇昆安節郡王華玘孫追封奉恩輔國公  
錫貴第二子乾隆四十三年三月襲封奉恩輔國  
公四月授散秩大臣四十七年七月卒年四十有  
四子年未及歲現未議襲





多羅克勤郡王岳託傳

岳託

太祖高皇帝孫禮烈親王代善第一子初授台吉天命六年二月大兵畧明奉集保將旋有小卒指明兵所在岳託同台吉德格類等擊敗之三月

上征拔瀋陽大軍方追明總兵李秉誠於白塔鋪岳託後至逐北四十里途斬三千餘人初喀爾喀扎魯特貝勒昂安執我使者送葉赫被殺八年四月同台

吉阿巴泰等討之事詳饒餘敏郡王傳十一年十月復隨父大貝勒代善征扎魯特部有功是年封貝勒天聰元年正月同二貝勒阿敏貝勒濟爾哈朗等征朝鮮攻義州定州漢山三城克之渡嘉山江克安州至平壤其守者棄城遁遂渡大同江次中和遣諭朝鮮王李倬降阿敏欲直趨其都岳託知不可止密與濟爾哈朗議駐師平山城復遣副將劉興祚諭李倬倬報願歲貢方物岳託謀曰

吾等事已成矣蒙古與明皆敵國或有邊事當思  
備宜盟而班師既盟以告阿敏以已未與盟仍縱  
掠岳託曰盟既成縱掠非義也勸之不可復令李  
侗弟覺與盟乃班師五月從

上征明同三貝勒莽古爾泰等率偏師衛塔山糧運又從  
圍寧遠並有功八月敗明兵於牛莊斬守備一千  
總二百總二兵二百二年五月同貝勒阿巴泰碩  
託征明錦州有功事詳饒餘敏郡王傳三年八月

畧明錦州寧遠焚其積聚十月

上親征明岳託同濟爾哈朗由大安口入旦見明兵營山上

岳託率兵半駐以待濟爾哈朗以其半擊之復見  
明兵自遵化來援者顧謂濟爾哈朗曰我當擊此  
是日五戰皆捷十一月同阿巴泰敗大同總兵滿  
桂宣府總兵侯世祿於順義薄北京復從父代善  
擊敗明援兵十二月同貝勒薩哈璘等圍永平府  
克香河縣四年正月同貝勒豪格還守瀋陽五年

三月

命諸貝勒直言時政岳託奏曰刑罰舛謬實在臣等祈  
皇上擢用直諫士近忠良絕讒佞行黜陟之典明加甄別  
則諸臣咸知激勸矣七月初設六部

命掌兵部事八月

上征明大凌河城自白土場趨廣寧岳託同貝勒阿濟格  
等率兵二萬別由義州進會大軍都統葉臣率鑲  
紅旗兵圍城西南岳託軍為策應十月明總兵祖

大壽請降以子可法質可法見諸貝勒欲下拜岳  
託曰戰則為仇敵和則為弟兄何以拜為命以國  
禮見因問爾等死守空城何意曰畏屠戮耳岳託  
曰遼東以久抗不降故誅之殺永平人乃貝勒阿  
敏所為已論繫之矣我

皇上即位以來敦行禮義治化一新養民愛士仁心仁政  
爾等豈不聞之可法曰

上於貧者衣食之富者秋毫無擾寬仁愛民之德實皆聞

之遂辭歸越三日大壽以城降夜襲敗錦州兵事  
具饒餘敏郡王傳六年正月奏言前克遼東廣寧  
漢人拒命者誅之後復屠永平灤州漢人縱極力  
撫諭人懷疑懼今天與我以大凌河漢人正使天  
下知我善養人也臣愚以為善撫此衆歸順者必  
多當先予以家室出公帑給其需儻蒙

天眷奄有其地仍給還家產彼必悅服衆官宜令諸貝勒  
給莊一區每牛錄取漢男婦二名牛一頭編為屯

人給二屯其出口耕牛之家牛录以官值償至  
明兵棄鄉土窮年戍守一苦也畏我誅戮又一苦  
也今慕義歸降之漢兵令滿漢賢能官善為撫恤  
毋致一人失所則人心歸附大業可成

上嘉納之五月同濟爾哈朗等畧察哈爾部於歸化城俘  
獲以千計九月同貝勒德格類拓疆自耀州至蓋  
州以南七年六月

詔問征明及朝鮮察哈爾三者何先奏言時不可失山海



關通州北京三路乘時圖其一則不基定矣是月  
同德格類等率右翼楞額禮葉臣左翼伊爾登昂  
阿喇漢軍都統石廷柱元帥孔有德總兵耿仲明  
攻明旅順口俘獲無算八月奏言前蒙

聖諭留一都統守旅順口今留葉臣伊爾登帥兩翼每旗  
留官三員兵二千五百名漢軍以遊擊佟圖賴主  
之統備禦二員兵百名駐守臣等自木場驛啟行  
俟抵我界貯礮車於蓋州留俘振旅是月師還

上宴勞於郊以金卮酌酒

賜之八年二月奏定馬匹倒斃擇牛录殷實之家酌免丁

徭責令償補又奏減牛录下廝養卒得

旨惟哨長許留餘悉罷三月

上大閱岳託率滿洲蒙古等十一旗行營兵赴瀋陽城北

郊列陣二十里許

上駐蒲馬岡岳託指示紀律軍容嚴肅

上嘉獎之五月

上征察哈爾

諭留守盛京諸貝勒及將領等畢岳託復曉於衆曰自隄  
岸以東巨流河以西原置十四哨爾等酌量布置  
晝則令軍士習射夜勿解衣張弓開甲囊以備不  
虞岳託隨行有疾六月

上臨視

命還盛京九年二月同貝勒多爾袞薩哈璘豪格收降察  
哈爾林丹汗子額哲六月師還諸貝勒畧明山西

岳託有疾以兵千留駐歸化城會土默特部人告  
博碩克圖汗子俄木布遣人偕阿魯喀爾喀及明  
使者至將謀我岳託伏兵邀之俄木布乳母之夫  
毛罕知之趣還伏猝起誅毛罕擒明使者隨命土  
默特捕斬阿魯喀爾喀之謀匿馬駝者部分土默  
特壯丁三千有奇為十隊隊以官二員主之授條  
約並頒於鄂爾多斯尋諸貝勒會師於歸化城岳  
託偕還崇德元年四月晉封和碩成親王八月以

徇庇莽古爾泰碩託且有離間鄭親王濟爾哈朗  
及肅親王豪格事論死

特旨寬之降多羅貝勒罷兵部任十一月復

命攝部事十二月從

上征朝鮮國王李倬奔南漢山城同豫親王多鐸進圍之  
敗其援於城下二年八月

命兩翼較射岳託奏不能執弓

上曰爾徐引射之不射如他王貝勒等何

諭再三始引弓弓墮地者五遂擲之諸王等論岳託驕慢  
當死

上復寬之降固山貝子罷部任罰鍰三年正月復封多羅

貝勒管旗務二月

上征喀爾喀至博碩堆偵知扎薩克圖汗遁而還八月

命為揚威大將軍貝勒杜度副之統右翼兵與左翼奉命

大將軍睿親王多爾袞分道伐明九月至牆子嶺

明兵入保外為三寨我師攻克之獲敵卒知保堅

且有重兵不易拔嶺東西有間道可越於是分兵攻其前以牽敵師潛從間道踰嶺入克臺十有一尋以疾薨於軍年四十有一四年三月睿親王奏捷

上覽奏無岳託名驚問知病卒慟哭久之

命勿使禮親王知四月喪還

駕至沙嶺設幄遙奠還

御崇政殿

命王以下及諸大臣往奠復

命乃回宮輟朝三日

詔封為多羅克勤郡王

賜馳二馬五銀萬兩葬

盛京城南五里萬柳塘康熙二十七年十一月

命立碑以紀其功乾隆八年

駕幸

盛京

親詣王園寢



賜爵四十三年正月

上追念王忠勳

命配享

太廟其現襲之平郡王復封號曰克勤八月入祀

盛京賢王祠是年

駕幸

盛京復

詣王園寢

賜酹四十八年如之

初次襲羅洛渾克勤郡王岳託第二子崇德四年  
九月襲封多羅貝勒管旗務五年五月同鄭親王  
濟爾哈朗等迎蒙古多羅特部蘇班岱等降衆敗  
明兵事詳鄭獻親王傳九月同鄭親王圍錦州六  
年三月復圍之設伏敗明援兵於南山西岡六月  
睿郡王多爾袞肅郡王豪格來代合擊明山海關  
援兵追及松山城而還八月從

上征克松山擒明總督洪承疇巡撫邱民仰等七年七月叙功  
賜蟒緞七十八年正月以怨懟非議又

敏惠恭和元妃薨時絲竹不輟論罪削爵五月復封多

羅貝勒仍管旗事

上命濟爾哈朗多爾袞

召羅洛渾諭曰爾父屢獲罪愆因

皇考太祖

皇妣太后撫養為子朕視之如弟歿後猶追封克勤郡王并

加恩於爾命為多羅貝勒管旗務爾不思率由善道以輔國政嗜酒作慝致干國法朕又追念爾父特行寬宥復爾多羅貝勒仍令管旗事爾當敬慎修身勤思善行若仍嗜酒妄亂不第爾祿位難保即置爾於法亦所不赦至本旗所屬諸臣俱宜戒酒仍勸勉貝勒効力贖罪羅洛渾率諸臣叩首謝罪順治元年十月以從定京師破流賊有功晉封多羅衍禧郡王三年正月同肅親王豪格征四川八月薨於軍年二十有四五年正月喪還

命貝子屯齊等迎之輟朝二日康熙十年六月追諡曰介

二次襲羅科鐸衍禧介郡王羅洛渾第一子順治五年閏四月襲封多羅衍禧郡王八年二月改封號曰平十五年正月隨信郡王多尼征明桂王朱由榔於雲南破其晉王李定國輩昌王白文選兵十六年六月賜蟒衣弓刀鞍馬旌其勞康熙二十一年七月薨年四十有三諡曰比

三次襲訥爾圖平比郡王羅科鐸第四子康熙十

八年正月封長子二十二年正月襲封多羅平郡王二十六年四月以毆斃無罪人羅米及折楊之桂菩薩保手足削爵

四次襲訥爾福平比郡王羅科鐸第六子康熙二十四年正月封固山貝子二十六年五月襲封多羅平郡王四十年七月薨年三十有一謚曰悼

五次襲訥爾蘇平悼郡王訥爾福第一子康熙四十年十二月襲封多羅平郡王五十七年十一月隨

撫遠大將軍允禔收西藏尋駐博羅和碩五十九  
年正月移駐古木六十年十月攝大將軍事六十  
一年十一月復攝印如故雍正元年正月回京攝  
上駟院事四年七月以前在西寧軍前貪婪受賄削  
爵乾隆五年九月卒

命仍以郡王禮葬

六次襲福彭原襲平郡王訥爾蘇第一子雍正四  
年七月襲封多羅平郡王十年正月任鑲藍旗滿

洲都統四月奏凡外省來京襲職旗員到日隨奏  
不令久候多費以仰副

體恤至意從之閏五月授宗人府右宗正十一年二月充  
玉牒館總裁四月

命軍機處行走七月

命為定邊大將軍討逆賊噶爾丹策凌十一月師駐烏里  
雅蘇台十二月奏言軍中馳馬最要今喀爾喀扎  
薩克貝勒班第等感



恩獻馳馬力請停賞值伏念遠臣當軍興際不肯私所有  
況宗室王貝勒貝子公等皆有馬場滋生馬匹豈  
不內愧於心臣家有馬五百匹願送軍前備用並  
將臣奏宣示諸王貝勒貝子等臣料諸宗臣等必  
以臣言為當彌切踴躍急公之義得

旨允行十二年六月奏言烏里雅蘇台扎克拜達里克推  
河並應撤京城滿洲漢軍右衛寧夏察哈爾土默  
特兵三千六百所有內扎薩克及烏蘭察布兵三

百七十調赴推河駐防現在烏里雅蘇台餘兵九  
千不敷調遣請以洪郭爾鄂隆所調滿洲兵六百  
再增撥四百速赴軍營從之是月王率將軍傅爾  
丹赴科布多總統北路軍營令內大臣薩木哈掌  
威遠將軍印辦理烏里雅蘇台軍務八月

詔量撤北路兵王率副都統王常等領兵還十三年閏四  
月

命總統大兵駐鄂爾坤七月於額爾德尼昭迤北築城尋

以公慶復代還京乾隆元年二月

上以北路所存糧米如何令蒙古兵支領並屯獲糜麥  
出陳易新之處

詔令查議奏言蒙古兵向不給糧臣前以坐卡兵遠臨  
賊境取羊未便曾折給一月米糧茲蒙

皇上軫念蒙古一視同仁加

恩賞米臣議將存留之喀爾喀兵及坐卡臺站蒙古兵  
攬米支給今王大臣等又議將派駐鄂爾坤之蒙

古兵給糧在此時存米充裕不難概給倘日久米  
少議停轉生怨望且準噶爾鬼蜮多端將來或仍  
須蒙古兵移駐又豈能一例支給北地寒冷蓋藏  
得宜米可經三四年不壞臣愚於駐防蒙古兵酌  
量賞給餘請仍給羊價為便再鄂爾坤種地兵已  
撤糜麥無從易新青稞大小麥較尤不耐蒸遏應  
請

恩賞蒙古米糧先給此項麥石又奏言喀爾喀所牧馬

除留軍營備用外各游牧處現有馬二萬九千餘  
內扎薩克各游牧處馬四萬餘伏思鄂爾坤駐兵  
以歸化城為聲援其間距三千餘里鞭長莫及中  
途須接換有馬往來緩急始足恃請度適中地近  
臺站水草佳處設馬廠于土默特察哈爾兵內擇  
有眷屬者移駐牧放令歸化城都統協理再請撥  
騎馬萬兒馬二千令臺站總管撥入官馬廠牧放  
備用有事無難輕騎疾馳馬力足而人心可恃雖

道遠無慮矣

詔並下王大臣議行三月任正白旗滿洲都統十月調  
正黃旗滿洲都統三年七月預議政十三年十一  
月薨年四十有一諡曰敏

七次襲慶寧平敏郡王福彭第一子乾隆十四年  
三月襲封多羅平郡王十五年九月薨年十有九  
諡曰禧無嗣

八次襲慶恒原襲平郡王訥爾蘇孫貝子品級福

秀第一子出為福彭後乾隆十五年十二月襲封  
多羅平郡王十九年八月任鑲紅旗漢軍都統二  
十六年十二月授宗人府右宗正尋總理鑲紅旗  
覺羅學二十七年閏五月坐旗員冒借官銀降固  
山貝子餘任悉罷四十年閏十月復封多羅平郡  
王四十三年正月

命復克勤郡王始封之號仍為克勤郡王四十四年二  
月薨年四十有七諡曰良

九次襲雅朗阿原襲平郡王訥爾圖孫閒散宗室  
訥清額第十子乾隆十六年十月授三等侍衛二  
十六年七月任鑲紅旗蒙古副都統九月授烏里  
雅蘇台叅贊大臣二十七年八月調正紅旗滿洲  
副都統尋授科布多叅贊大臣三十一年十二月  
任成都副都統三十四年三月授荊州將軍三十  
五年十月以袒護所屬驍騎校楚德降三級調用  
十一月以副都統品級往庫爾喀喇烏蘇辦事三



十七年五月復以狗隱臺站屬員不法削副都統  
品級在伊犁印務筆帖式行走八月奉

旨著在庫爾喀喇烏蘇章京處辦事十月以副都統品  
級赴塔爾巴哈台十一月奉

旨雅朗阿辦事得制仍留庫爾喀喇烏蘇辦事三十八  
年十二月任三姓副都統三十九年十二月調

盛京副都統四十年十月調黑龍江副都統四十一  
年十二月遷綏遠城將軍四十四年四月襲封多

羅克勤郡王四十五年九月總理鑲藍旗覺羅學  
尋授宗人府右宗正四十七年二月任正白旗漢  
軍都統四十八年四月調鑲紅旗滿洲都統七月  
調正黃旗滿洲都統

多羅謙郡王瓦克達傳

瓦克達

太祖高皇帝孫禮烈親王代善第四子天聰元年五月

上親征明寧遠明總兵滿桂拒戰大敗之追至寧遠城下

瓦克達以力戰被創崇德五年七月隨睿親王多

爾袞圍明錦州見敵兵出樵者以十餘人越前鋒

統領布顏軍擊斬之六年八月明總督洪承疇集

兵十三萬援錦州次松山大軍進擊之敵騎來奪

我紅衣礮瓦克達同輔國公滿達海力戰卻之會  
天雨敵復來戰又敗之復進擊承疇三營步兵前  
鋒什長費雅思哈失馬瓦克達與之累騎而出叅領  
哈寧阿墜馬創甚敵圍之數重瓦克達直入其陣  
挈以歸順治元年四月隨睿親王入山海關敗流  
賊李自成追勦至望都十月隨英親王阿濟格由  
邊外趨綏德二年五月自成遁湖廣躡追至安陸  
府賊衆千餘方乘船遁瓦克達同護軍統領鰲拜

率師涉水登岸射殪賊衆無算獲其船以濟大軍  
三年正月叙功封三等鎮國將軍先是崇德八年  
八月因兄碩託兄薩哈璘之子阿達禮謀立睿親  
王伏誅瓦克達坐黜宗室至是復入宗室五月隨豫  
親王多鐸勦蘇尼特部騰機思騰機特等大敗之  
圖拉河進至布爾哈圖山瓦克達與貝子博和託  
合軍斬千餘級擒八百餘人獲馳馬牛羊無算又  
擊敗喀爾喀土謝圖汗等兵十月師旋四年三月

封鎮國公五年十一月晉封多羅郡王十二月以喀爾喀部擾我邊界

命隨英親王阿濟格駐防大同姜瓖叛據大同附近郡邑應之王隨英親王圍渾源州六年三月睿親王統師拔渾源州令還京七月

命同親王滿達海勦賊朔州寧武八月以巨礮攻克朔州城偽總兵姜之芬偽兵道孫乾高奎遁王與輔國公薩弼擊敗其還戰兵移師攻寧武關偽總兵劉

偉偽兵道趙夢龍焚城西遁王追之時大同偽總兵楊振威通款英親王軍斬瓌首以降偉夢龍等亦率偽將五十餘人兵五千四百餘降於軍平靜樂縣及寧化所八角保諸寨十月

詔滿達海還京以王代為征西大將軍勦撫山西餘賊七年二月疏報大兵分勦潞安平陽澤州叛黨偽總兵申亥郭中傑魏閔各率餘黨歸順廢官李建泰叛據太平縣圍之二十餘日窮蹙出降

詔誅建泰及其兄弟子姪籍家產入官三月奏復平陽府屬三十六州縣四月班師八年二月加封號曰謙

三月

命諸王分管部務王掌工部十月預議政九年正月以醫人何大福出入部署辱罵職官招搖嚇詐伏誅王坐徇縱罰鍰解部任四月罷議政八月薨年四十有七康熙十年六月追謚曰襄初王勦山西賊時常駐平陽後平陽民追思其戢軍安民建祠以祀



榜曰多羅謙郡王廟

初次襲哈爾薩謙襄郡王瓦克達第三子順治十年閏六月議政王等以瓦克達曾獲罪郡王爵不應承襲

上憐其子留雍哈爾薩

命食奉國將軍品級俸康熙六年四月哈爾薩等訴其父軍功輔政大臣鰲拜尚書馬爾賽為哈爾薩姻戚議封哈爾薩鎮國公留雍鎮國將軍八年七月留

雍以已不得與第一例晉爵訴不平議政王奏留  
雍等俱資緣得封應革哈爾薩鎮國公并原有之  
奉國將軍品級留雍應革鎮國將軍仍食奉國將  
軍品級俸得

旨哈爾薩奉國將軍品級俸乃

世祖章皇帝恩給仍如舊二十一年五月哈爾薩復訴父  
爵係軍功所得例得襲宗人府以奏

命襲封鎮國公并封其子海青為輔國公二十二年八月

授宗人府左宗人二十四年九月遷右宗正二十

五年十月

諭責哈爾薩鑽營不安分罷右宗正任削鎮國公及海青

輔國公爵

二次襲留雍謙襄郡王瓦克達第二子康熙二十

五年十月襲封鎮國公三十七年四月

詔宗人府會同領侍衛內大臣察劾行走懶惰者削留雍

爵停襲乾隆四十三年三月

上追念謙襄郡王瓦克達勞績

賜一等鎮國將軍爵世襲罔替

三次襲洞福原襲鎮國公留雍曾孫初留雍第三子原封三等輔國將軍台渾生忠端為閒散宗室洞福忠端第二子也乾隆四十三年三月襲封一等鎮國將軍四十九年十月授護軍叅領

多羅順承郡王勒克德渾傳

勒克德渾

太祖高皇帝曾孫追封穎毅親王薩哈璘第二子兄阿達  
禮以謀立睿親王多爾袞伏誅勒克德渾亦坐黜  
宗室順治元年十一月

上念勒克德渾年幼未與謀

命復入宗室封多羅貝勒二年七月

命為平南大將軍代豫親王多鐸駐江寧分兵勦撫兩浙

時明魯王朱以海據浙東稱監國其大學士馬士英等率兵渡錢塘江立營擊卻之九月遣左翼副都統珠瑪喇敗士英於餘杭右翼副都統和託敗其總兵方國安於富陽兩翼合營杭州城三十里外敵來突復大敗之士英國安復渡江來窺為副都統濟席哈等所敗溺死無算時明唐王之總督何騰蛟合流賊一隻虎等竊據湖廣州郡十一月

命同鎮國將軍鞏阿岱都統葉臣征之三年正月大兵自

But will

彛陵流賊李自成弟孜偽磁侯田見秀偽義侯張耐偽武陽伯李佑偽太平伯吳汝義及偽將三十人馬步賊五千有奇詣軍前降獲馬羸牛萬二千餘捷

聞得

旨優獎七月班師十月

賜金百兩銀二千兩五年九月晉封多羅順承郡王尋同鄭親王濟爾哈朗拔湘潭擒騰蛟事詳鄭獻親王



傳移師征廣西賊渠趙廉犯全州率前鋒統領席  
特庫等敗之獲馬四十餘曹楨子據永安關破其  
營斬關入九月曹楨子復率黨萬餘寇道州又擊  
敗之七年正月師還

賜金五十兩銀五千兩五月預議政八年三月掌刑部事  
九年三月薨年二十有四康熙十年六月追諡曰  
恭惠

初次襲勒爾錦順承恭惠郡王勒克德渾第四子順

治九年八月襲封多羅順承郡王康熙十一年八月掌宗人府事十二年十二月逆藩吳三桂反

命為寧南靖寇大將軍由湖廣進征十三年三月駐荊州時沅州常德相繼失陷賊兵自蜀道直抵巴東襄陽勢甚急遣都統鄂內馳防是月偽將劉之復率舟師犯彝陵夾江立五營遣護軍統領額司泰等水陸並擊賊大敗遁歸宜都四月偽將陶繼智復自宜都來犯敗之七月敗偽將軍吳應麒等十

欠定日 人名

用礮轟擊繼以滿兵則逆賊可滅

上如所請十月復興山縣十二月疏請益禁旅

上以遷延時日責之十五年三月統兵自荊州渡江遣前

鋒叅領卦爾察敗賊文村又敗之石首尋以擊賊

太平街失利退荊州具疏請罪

上復切責之九月奏副都統塞格勦賊鄖西復其縣十七

年十一月奏先後投誠偽官及房縣來歸之偽總

兵何以敬等雖授劄示鼓舞而止食兵糧生計難

給

上以何以敬等慕化來歸悉予半俸十八年正月疏言新  
增兵萬二千請設隨征前後左右四營總兵官分  
轄從之是月渡江分路勦松滋枝江宜都及澧州  
以次復守百里洲偽將軍洪福率舟師降二月進  
取常德賊先期焚廬舍舟艦遁偽按察使陳寶鏞  
等迎降又招撫偽巡撫李益陽知縣張文明總兵  
黃志功副將楊達武等又遣游擊許嘉謨兵至青

石渡賊首潘龍等迎敵我兵左右夾擊追至平峪  
鋪斬及落崖死者無算復衡山縣進攻歸州敗賊  
廖進忠于馬黃山賊向巴東遁追至西壤大敗之  
復歸州巴東十九年二月

命進取重慶尋奏留將軍噶爾漢之兵於荊州防禦七月  
王率兵赴重慶中途返具疏自劾請解大將軍任  
往沅州効力

上責令率所屬官兵還京十一月議以老師糜餉坐失事

機削爵

二次襲勒爾貝原襲順承郡王勒爾錦第三子康熙十九年十二月襲封多羅順承郡王二十一年二月薨年五歲

三次襲揚奇原襲順承郡王勒爾錦第四子康熙二十一年七月襲封多羅順承郡王二十六年四月薨年七歲

四次襲克保原襲順承郡王勒爾錦第七子康熙

二十六年五月襲封多羅順承郡王三十七年九月薨年十四歲

五次襲布穆巴原襲順承郡王勒爾錦第五子康熙三十八年正月襲封多羅順承郡王五十四年五月以

御賜鞍馬給優人為護軍校賴圖庫妻所訐削爵

六次襲諾羅布順承恭惠郡王勒克德渾第三子康熙三十七年正月授頭等侍衛三十八年二月



擢鑲黃旗漢軍副都統十二月調鑲藍旗滿洲副都統四十年九月遷正黃旗蒙古都統預議政十一月擢右翼前鋒統領四十二年四月授杭州將軍五十四年五月襲封多羅順承郡王五十六年二月薨年六十有八諡曰忠

七次襲錫保順承忠郡王諾羅布第四子康熙五十六年十月襲封多羅順承郡王雍正三年三月掌宗人府事並

命在內廷行走四年五月

諭曰順承郡王錫保才品優長乃國家實心効力之賢王  
今在內廷行走差遣甚多王之費用亦多著給與親王  
俸護衛官員俱照親王之數用九月授鑲藍旗滿洲都  
統五年九月調正黃旗漢軍都統先是錫保徇庇  
貝勒延信罪狀不奏又將不能騎馬之章京派拏  
延信以致遲誤十一月議削爵得

旨寬免其特恩賞給之親王俸及護衛官員俱撤回旋降

任左宗正七年三月大軍征噶爾丹策凌王署振  
武將軍印赴阿爾台軍營八年十一月奏八旗駐  
防官兵軍營効力兩年巡牧均已習練請仍留俟  
大兵凱旋不必如例三年更代

詔如所請行初王奏喀爾喀游牧處安頓妥協其三路副  
將軍各思効力已將禦賊守城之策商酌預備九  
年七月

上以錫保防範有方傳

諭慎籌喀爾喀等處戰守機宜八月

諭宗人府曰錫保自派往軍營以來辦理軍務克殫誠心勤勞宣力甚屬可嘉王之祖多羅額郡王亦係國家懋著勞績之賢王著將錫保晉封順承親王九月

命嚴守察罕度爾十月疏言準噶爾賊大策凌敦多卜小策凌敦多卜多爾濟丹巴等自華額爾齊斯至索勒畢烏拉克沁留兵四千應援率兵二萬六千犯科布多等處見我軍強盛不敢輕進遂抵克魯倫

令賊將海倫鄂勒錐等掠喀爾喀游牧大策凌敦多  
卜兵向蘇克阿勒達呼屯劄小策凌敦多卜子曼  
濟掠鄂爾海西喇烏蘇臣令王丹津多爾濟等合  
兵邀擊至鄂登楚勒遣台吉巴海夜入大策凌敦  
多卜營擒其衆賊將袞楚扎卜喀喇巴圖魯復率  
兵三千來禦我兵誘斬賊將喀喇巴圖魯袞楚克扎  
卜傷遁擒殺數百大策凌敦多等移營台什哩山曼  
濟兵亦敗歸俱由哈布塔克拜達克遁疏入

詔嘉獎之十一月授靖遠大將軍先是

上以軍前大臣甚少

命錫保於軍營營總官中擇可勝副都統護軍統領之任

者密封陳奏十年二月疏言新調吉林佐領委署

前鋒翼領阿思哈黑龍江協領委署前鋒翼領布

爾沙均屬効力請

賞給副都統職銜

詔允之七月偵知賊赴額德爾河源遣王丹津多爾濟等

率兵於奔博圖山嶺堵截八月師至額爾德尼昭  
遇賊兵鏖擊十餘次賊且戰且却日暮抵大山梁  
一面逼水戰並酣殺賊萬餘尸滿山谷餘賊負傷  
奔獲械畜無算十一年四月奏言察罕度爾當阿  
爾台諸路要道建城駐兵歷有年所嗣以薪芻不  
足移駐阿勒達爾托羅海去年又移駐烏里雅蘇  
台此外尚有額德爾齊德爾特爾啟塔密爾地各  
寬濶然並在抗愛山陽與內地近至特斯等處僻

在迤北若賊由南路來犯邀擊堵禦呼應不靈並  
不便駐大兵今已於烏里雅蘇台山嶺分建礮臺  
左近令滿洲蒙古兵駐劄且特斯台什哩各駐萬  
人賊不敢逼應請即於烏里雅蘇台內外植木中  
實土為城設倉庫明春以察罕廋爾所貯銀米軍  
裝火藥等物陸續解運

上從之七月議賊越克爾森齊老時不速發援失機罷大  
將軍任削爵



八次襲熙良原封順承親王錫保第一子雍正三年十月封輔國公尋授散秩大臣五年七月晉封鎮國公十年正月封世子三月署鑲紅旗漢軍都統十一年七月以父罪革世子十二月襲封多羅順承郡王乾隆元年二月管鑲藍旗覺羅學九年四月薨年四十諡曰恪


九次襲泰斐英阿順承恪郡王熙良第一子乾隆九年九月襲封多羅順承郡王十三年十二月授

宗人府右宗正十五年九月管鑲紅旗覺羅學士  
九年四月任左翼前鋒統領十月遷正黃旗漢軍  
都統二十一年六月轉左宗正七月薨年二十有  
九謚曰恭

十次襲恒昌順承恭郡王泰斐英阿第七子乾隆  
二十一年十月襲封多羅順承郡王四十三年二  
月薨年二十有六謚曰慎

十一次襲倫柱順承慎郡王恒昌第一子乾隆五

十一年二月襲封多羅順承郡王



欽定宗室王公功績表傳卷八